

楊一凡 王旭 編

古代榜文告示彙存

第九冊



社會科學文獻出版社

楊一凡 王旭 編

古代榜文告示彙存

第九冊



社會科學文獻出版社
SOCIAL SCIENCES ACADEMIC PRESS (CHINA)



古代榜文告示彙存第九冊目次

姚瑩告示
〔清〕姚瑩撰
清同治六年姚濬昌安福縣署刊中復堂全集本
..... 一

李彥章告示
〔清〕李彥章撰
清道光刊潤經堂自治官書本
..... 一七

李璋煜告示
〔清〕李璋煜撰
清道光末刊視已成事齋官書本
..... 一五三

〔清〕姚瑩撰

清同治六年姚濬昌安福縣署刊中復堂全集本

姚瑩告示

勸修九和書院告示

爲崇文勸學恢拓書院增置膏火以隆教育而垂久遠事
照得理亂之機先觀士習教化之盛首振文風故崇文養
士者爲政之大端也幸逢聖代右文立學校設科第輔弼
公卿皆由此出可謂盛矣然取士之途雖登俊秀而造士
之法道在師儒有志之士欲立身顯名起家光
國而或困於方隅無師友之助或困於薪水無攻書之資

俯仰孤寒形氣沮喪未有不望名賢之汲引有司之栽培者然則書院之設豈可緩哉況乎平和俗敝士氣更衰雖科場獲雋有人而仁讓消風未起豪強凌奪雄據爲姦愚悍無知附和成風至以讀書守分之英良不免械鬪黨兇之波累干戈之事不息詩書之氣不揚本縣披牘察情深爲髮指用思揚我善類振爾文風且和邑乃陽明之所造基漳郡爲考亭之所遺治芳型不遠道渠可尋更宜大啓于今茲以冀上求夫先哲無如九和書院規模狹隘講舍無多師生之膏火無資講誦之科條未立課無定期士無常額不足以獎拔後進步武先民尋覽之餘憮然有閒夫政教敝而後風俗偷禮義衰而後爭奪起今百里之內劫奪頻聞旬日之間殺傷未已此皆爲有司者德意不加威

令不行之所致也。今將挽此悍俗，莫如丕振文風。欲爲性
拓書舍，廣置學田，延聘名師，詳定規則，惟是資費浩大，必
賴捐輸。除本縣捐廉倡率，尙須眾力，以成善舉。爲此特選
老誠紳士督理此事，合行傳諭。爾等紳耆殷戶，詩禮之家，
苟思教子成名，何惜輕財，尙義銀自五十兩以上，或數百
元，田租自十石以上，至百石，隨捐皆納。諭到各卽題名，注
數，以便擇日興工。以二月上旬開課，務期興仁講讓，體教
大行。試賦程文科名，日盛舉揚，善俊振拔，單寒辨清濁之
流，別莠良之目。毋許爲爭，積習致顛，經籍之光，縱令邪僞
指証，其沮衣冠之氣，爾等捐題義士亦藉以垂名，勒石奕
世流光，豈不美哉。

諭各姓家長

爲崇文勸學興修書院事照得書院爲講學之區教士必先養士樂育乃師儒之職修文莫若會文從來風俗之熾惡先觀士習之盛衰平和地處羣山人多望族巍科顯宦先烈爲昭勒鼎銘鐘盟功不替固宜炳煥奎章郁賦人士豈可不崇講肄坐微阜比今者在城及各鄉雖有書院爲會文之所然皆散遠且係私立惟在城之九和書院向爲官學惜乎學舍湫隘不足以聚生徒膏火無資不足以助講習是以四方英俊莫我肯來本縣下車之初卽訪問此事深爲太息今欲大興文物倡義捐修先經出示曉諭想爾多士必已聞知凡屬衣冠自當踴躍茲定于月日在于明倫堂集議事宜除寫立捐簿選派端士分往各鄉勸題外合再示諭爾等速卽協同首事婉勸殷戶捐題得到卽

各書名限一月內繳清捐項卽交領簿之人彙交首事以俟擇日興工本縣定當量予旌獎行見人才蔚起科甲頻登文物盛而梓里之氣全消禮教興而仁讓之風大起豈惟斯邑之美抑亦有司之光也此諭

召鄉民入城告示

爲暫停拘捕召徠士民舍舊從新分別淑慝以蘇民困而達下情事照得設官片所以撫民撫民必親然後上下之情通而利病可悉執法者所以討罪討罪必嚴然後強暴之徒畏而愚弱可安此古今不易之道也

國家以撫民執法之權授之地方官吏必深明乎所以撫民執法之本並用而不相害則民知戴天恩而懷

國法苟用嚴不當有罪者未能儆而愚弱益以自危則良

善之民欲親官而無由于是執法之散反爲撫民之大病
甚非所以宣廣

皇仁綏安黎庶也龍溪爲漳州首邑地廣人稠習俗強悍
爲諸邑最械鬪攘奪自古有之甲寅水災以後乃益甚邇
者古縣之鄭姓及雜姓五十餘社械鬪于南天寶之陳姓
及雜姓七十餘社械鬪于西田裏之王姓及洪岱之施姓
械鬪于東歸德之鄒姓與蘇郭等姓械鬪于北西北則烏
頭門之詹陳等姓東北則鰲浦扶搖之吳楊等姓浦南芹
裏之梁宋鍾林等姓豐山龍架坂之楊林等姓金沙銀塘
之陳趙等姓東南則官田宅前之吳楊等姓各社接連大
者數十小者十餘頻年以來仇怨相尋殺奪不已其焚掠
截虜死傷破敗之慘旣不可勝言矣而奸徒指誣株累者

動十百數村愚不知出訴惜有深匿遠颺及兵役往捕則恃其族眾以抗拒爲得計此良莠所以愈不能分強弱所以愈不能辨也上下之勢已成隔絕官則但見民之頑悍而莫察其情民不自知其法當拘捕也而反以爲官之擾累負嵎自固視兵役如仇讎望城市如陷阱經年不敢一人于是訟師奸吏得以任意舞文嗟乎漳郡古稱繁富之區而比來人物凋敝商賈蕭條元氣大虧瘡夷滿目所謂父母其官子弟其民者安在哉夫聖明在上薄海內外莫不奉守法度爾等輒敢私怨相仇恣行鬪殺復恃其眾而不就拘且以抗拒此與亂民何異本縣卽會帶大兵盡族痛剿亦屬罪所應得然而不肯出此者則以我

東漢夕集

卷之四

十

朝深仁厚澤二百年來皆以愛民爲本地方官吏仰體
聖主好生之德於執法之中仍寓撫民之意且念爾等雖
愚其中不無有從株累之苦不可不分別辦理欲使爾等
息訟解怨姑許爾等改過自新除選派公正紳耆爲爾等
各社中素所信服者令其明察爾等歷年仇怨之故排釋
調處務使平允和洽外並將爾等困苦情形稟鎮道府
憲請飭各衙門兵役暫停拘捕聽爾等各鄉社士民入城
來見通達下情令行剴切曉諭爲此示仰合邑士民家長
人等知悉爾等凡有舊仇夙怨者各該社之家長務須約
束子姪靜候本縣選派之公正紳耆到社爲爾等排釋調
處無許再行滋事仍一面率帶子弟人城來見本縣親加
訪問所有委曲無不可以而陳見已嚴飭兵役不論有無

控告一概不得妄掣務使爾等無不達之隱無不通之情
然後各自覈明歷年強暴不法滋事之徒縛送以正
國法儆冥頑不悟本縣卽訪明爾等歷年巨案一一通稟
照叛民例請兵誅剿爾時恫懼不已晚哉嗚呼本縣蒞任
首以親民爲急所願爾等滌除舊惡革面洗心不惜諄諄
告誡開法網以蘇民困也言出如山決無失信爾等毋得
觀望自悞懷之特示

諭七百社家長

諭某社家長某某知悉日者以爾等頻年械鬪困苦已極
本縣深念爾等隱曲下情冀能上達特頒明示停拘捕選
紳耆使爲爾等解釋怨仇共修和睦月餘以來四境鬪風
頓息紳耆回報所有四路各鄉社歷年起釁之由及構禍

夕夕夕

卷之四

十一

以來殘毀死傷之數除經報驗有案者聽候緝兇究辦外
所有彼此焚毀之廬舍殘破之田園困苦無依之孤兒寡
婦皆議令兩造互相補償撫卹各社子弟皆已願受約束
又各社家長入城來見者七百有餘經本縣一一詢訪並
剴切勸導且賞以酒食莫不歡欣鼓舞感激遵奉如解倒
懸如救飢渴本縣察爾等皆出于至誠尚非陽奉陰違之
比甚喜爾等改過自新能親信其上而和輯其下也茲特
頒給札諭載記準爾某爲某社家長約束子弟理某社之
事以某某爲之副與爾禁約四條而已一不得械鬪搶虜
查械鬪搶虜之故大約不過數端除夙仇舊怨業已解釋
外其新事者或婦女口角或打傷牲畜或踐踏禾苗或索
討錢債或侵占田園倉卒而起地方文武所不及知惟爾

家長知之苟及時諭止可立散今與爾約爾與族人約自茲以後凡子弟有不甘心如上事者不得擅自相爭必先告爾本社之中爾卽理處之如爾社則彼此家長共議之不決則請隣社家長議之再不決然後控訴儻子弟不遵則會集族眾議于祠共擲而解官懲治之如此則事無不埋而禍端可止矣二不得疏容盜賊漳郡盜賊之風厯稱猖獗或白日伺刦于中途或聚眾肆刦于黑夜其所以猖獗無忌者皆以爾等強社大族子弟窮苦者多不能安置約束任聽召集匪徒日夜往來家長漫不稽防約束而兵役又因社強大不敢輕往緝捕此盜賊所以無忌也今與爾約爾與族人約自茲以後責成爾等稽防本社子弟毋得聚集匪徒儻日刦于途則就所刦之地先罰家長照數

夏曆夕

卷之四

十二

賄贓仍勒令拏解盜犯其夜刦于城市或鄉村則追踴盜蹤所入之社罰家長照數賠贖仍勒令拏解盜犯如此則匪類無所容而盜賊可息矣三不得抗欠錢糧龍溪錢糧額數最多甲于他邑而抗欠之風亦甲于他邑或貧戶失業而欠或小戶逃亡而欠甚或田業富饒恃其族大丁強糧胥莫敢如何而有心抗欠或欠十餘年至數十百年未嘗懲治實堪痛恨彼所持者頑悍之子弟耳今子弟皆守吾法彼復何所恃而欠乎今與爾約爾與族人約覈明有糧之戶開列清單協同糧胥督催之有不遵卽指名稟聞本縣親往問其抗糧之罪爾若扶同徇隱卽惟爾是問爾固不必爲此豪富不仁者累也四不得庇匿被告龍溪詞訟之繁甲于通省自本縣觀之大抵新案少而舊案多非